


Kodak Color Control Patches



秦州志卷之三十一

藝文一

唐書斷序 文字論 二王書錄諸篇 張懷瓘撰見欽定全唐文

宋易傳十卷 周易口義十卷 易繫詞說卦三卷

尚書全解二十八卷 一作尚書會解 洪範解一卷 春秋


要義三十卷 春秋口義五卷 論語說 中庸傳

一卷 吉凶書儀二卷 景祐樂府奏議一卷 皇

祐樂圖記一卷 武學規矩一卷 資聖集十三卷

胡瑗 皇祐樂府記 胡瑗同阮逸撰 安定先生言行錄二卷

秦州志 卷之三十一 藝文



安定言行記

讀安定書目抄

胡瑗門人輯

周集賢集十卷

易說十卷

周秩

堯明文集

堯明易說

王俟又

尙書類數二十卷

松隱集二十卷

傳信方一百卷

卞大亭

浮山集十六卷

一作十卷

登瀛秘策三十卷

仲并雍正府志作江都人

誤

海陵集三十二卷

一作二十三卷

外集一卷

周麟之

鳳池集十卷

羣玉府十卷

潘汝

海陵三仙傳一卷

王禹錫

論語大意二十卷

唐山集一卷

後集三卷

卞

閒靜治本論五卷

將論五卷

張嚴

觀物老人集二十卷

府志作觀物志人集甚誤

德安堂方書一百

卷 堯允恭

菊林集

陳膺見雍正府志

吳陵志三十五卷

淳熙間王寅編纂

查龍圖集二十卷

一作查湛然文集流寓查道

易義一卷

流寓周孟陽

明春秋鉤元四卷

石光霽

青陽忠節餘錄

張毅見雍正府志

張存簡雜稿

一無張字

審濟錄一卷

張文

陳子隣蚓鳴集

一無上三字

唱和集

陳相

柴墟集十五卷

一作柴墟齋集

皇明政要二十卷

珂野集

儲文懿奏疏

儲懽

石府元機

皇極元機

幽堂寶照

靈樞秘要

府志作靈

書秘要誤

洞林秘髓

華湘

建文革除錄

一作靖難革除錄

野野集

江河伏流編

儲洵

心齋全集八卷

耿定向丁賓校刻見東臺縣志

心齋則言二卷

心

齋約言一卷

語錄二卷

李祐程泮校刻

心齋疏傳合編

二卷

格物要旨

王良雍正府志統云心齋遺書

東城集

林春

沈司馬集

一作沈鳳岡集沈良才

王師董遺稿

王陳策

舊業堂集

一作凌海樓集凌儒

尹湖末議

江右奏疏

顧廷對

曲江諫草

李存文

敬止集

守愚集

集一作錄

歸來集

集一作錄

日涉園錄

陳應

芳

紅葉山莊集

儲堪

東厓遺集三卷

王巖撰程泮刻

質言集 鄉約解唐 珊

花月樓詩潘昌 類

休休樓集韓士 文

語錄年譜 天響草集程 泮

臆見心銘鏡古叢奇諸刻章 斗

采山堂集十卷 治清水潭議沈 晉 陽

南軒集 竹哇集張 廷 案

醫瀝徐 爾 貞

遯庵詩集 明道大意 良知說 誠正解 勸學語

教子格言田 狩 龍 齋 正 府 志 人 國 朝 今 是 本 傳

世德錄葛 天 民

汲古堂集 爾爾詞沈 聘 開

廣戒殺說 早嫁婢說丁 士 毅

洞酌集徐 文 炳

就正臆說十卷朱 成 恕

六要箴季 來 之

發藻堂集學 正 倪 晉 明

羅子全集 仁孝仕學訓流 寓 羅 汝 芳

易宗二卷 三通衷畧流 寓 劉 國 柱

法華正旨節偈釋 方 誌

正德志八卷 知州金廷瑞修

嘉靖志 州人全英修

萬麻志十二卷 州人章舉修

天啓志 州人翁延壽修

崇禎志 知州李自滋同州人劉萬春修

國朝春雨草堂詩文集五十卷 南陽舊德錄 米山外

紀 庭聞州世說六卷 續庭聞州世說一卷 先

進風格一卷 入燕集一卷 宮偉鏐

平賦錄 陳忠靖

張詞臣詩集 張幼學

陳懋言詩文集 敬由錄 陳疑社

流香閣詩詞 俞灑

論古堂集 李拔卿

焚餘草 劉九臯

編年詩 各體文 過嶺集 詩餘一卷 詩觀十四

卷 別集二卷 鄧漢儀

陋軒詩六卷 吳嘉紀撰分司汪兆璋校刊東臺繆中重刻

樵青集 桐引樓集 悠然堂稿 黃雲

百尺樓課耕錄 俞針

太乙閣詩 劉靖

樂天堂稿 田毓芝

涉園集 耐庵集 一作耐軒詩集 淮黃交滙開濬海口諸議

律法兵刑樂律漕運鹽法馬政屯田諸篇 張琴

楓山詩集 杜光先

自訂文集一百卷 喻林 文苑英華選 英華粹語

二十一史名臣言行錄 續南宮舊德錄 讀書

紀數畧五十四卷 餘年選述 宮夢仁

雙虹堂集 吳州文集 陸舜

青棠閣稿十卷 田敬錫

雲斤詩集 治河方畧 孔子家語訂正 歷朝詩雅

白陸詩選 俞梅

三極易知錄 五經源流 俞楷

中聲集 唐麟翔

澄觀錄 王礪撰子譽處類次

孔子家語分類 一作家語註 禮記分類 左傳分類 春

秋世族譜一卷 十七史正譌 春秋戰國異辭五

十四卷通表一卷 摭遺一卷 春秋長術十卷 天

文編 編一作篇 算法編 編一作篇 借根方算法八卷 算

法纂要一卷 八綫表根一卷 幾何原本六卷 陳厚

棣園集

舊雨園集

恕堂詩七卷

府志作如心堂詩甚誤

瀛

海策畧四卷

宮鴻口下一字謹避魯紀遊天台紀遊作宮鴻偉撰考宮氏

案新府志有齊

族譜無名鴻偉者且鴻口鴻營俱偉鏗子子姓中亦不應取偉字作名府志於鴻口都刻作鴻律偉字疑

係律字之誤今附識於此

芳苞亭文集

問月樓詩鈔

唐詩神

昭代詩選

繆肇

甲案府志作肇田甚誤

涉園集

聞好軒口吟六卷

宮鴻營

九雲書院集

宮昌宗

經濟鴻書

志遠堂新編

桂籍軒詩

吳崇先

綱鑑會通一百十五卷

府志作二百卷

集 謙忍居

集 陳志襄

拄笏樓詩集

宮懋言

餘園詩鈔

稜米集

蘭渚浮山西溪諸集

繆沅

左傳意

劉之涉

清芬堂集二十卷

桴客卮言一卷

發幽錄

沈龍翔

畫樹園稿

李于濤

覆餘集

張世爵

西渚集

陸與齡

靜敬堂詩文集

宮壽平

招雲閣集

袁爾職

餘力集 仲蜀 巖

自長吟詩 日下麗澤集 海房文稿 一作張海房文集 依

歸草 順時錄 天傭子集 張符 驥

花嶼山房集 官 雖

方生詩集 方 苞

畫厂詩集 王孫 驥

昌志堂詩文稿 繆 集

就園詩集 玉紅詞 田昌 運

寄餘園稿 破帆吟 文山述遊 三年一遊錄 繡

談詞 楊 璉 珊

岱青樓集 浮香閣集 觀海集 洗花詞 黃泰 來

鷗吟集 王 藻 鴻

吳陵集 王 梅

嘯月齋詩草 宮懋讓府志 作懋謙誤

性理銓微 高 炎

棘人草 王言 綸

秋錦樓集 易之 炯

古希老人集 宮煥 勳

落落吟 俞 燾

快雪堂詩文集 山水間詩 編年詩 從軍詩 秦定 遠

紅椒山房詩八卷 宮翼 楓亭詩鈔八卷 宸

樊川草堂詩集 府志作 百草堂 詩經指南 禮記正詮 戴皇 恩

夕陽書屋初編四卷 南陔松菊集一卷 程盛 修

蘊真堂詩稿 自怡集一卷 繆 標

迨暇集古文二卷詩六卷 一作雲香文集迨 暇初集 仲鶴慶

願學編 程選 青

聿修堂文稿 繆昆 燦

嗜書堂詩鈔 繆永 垣

素軒集 宮履 基

類苑聯珠一百二十卷 編年詩鈔十卷 尚論管窺

詩二千餘首 憶舊感秋吳陵竹枝詞各一卷 古

文騷賦百二十篇 俞 培

靜軒詩鈔 霜筍詩稿 繆永 照

史記質疑 目耕居士詩鈔 宮為 坊

修月樓詩詞稿 繆祖 培

靜壽齋詩集 朱東 啟

三山遊草二卷 日涉園仿陶詩四卷 高鳳 翥

山雨樓集 羅浮偶存 沈嘉 植

致知論 明德編 俞 宣

周易聯珠 左傳評選 王九 鳴

朱陸異同辨 韓敏

易經本義滙參 增補周禮義疏 黃佐九

妙契詩鈔 秦晉燕粵游草 朱端探

雙松閣詩稿 沈光祖

鹿村集 許彭年

金鑑集 田雲鶴

樂清堂詩鈔 翟宣

天香初集四卷 不休編一卷 天橋遺稿 周虹

五常圖說 研耘詩賦偶吟二卷 經說雜錄八卷 官麟

寶燕堂詩文集八卷 詩餘一卷 朱希洛

憩心閣詩草 高獻可

半紅樓詩鈔 霄崢集 宮國苞府志作曹國苞甚誤

玉笥山房集 蓉樵文集 解經 評史 朱謙服

綠雲紅雨山房集 紅豆村樵詞 仲振奎

作吏九規 秀才秘籥 虎門攬勝 敲得菜根堂詩

文稿 仲振履

霞起樓詩文集 儲遜

貽孫堂文集 葛楷

寄園詩二卷 膾炙集十五卷 夏震

天香書屋文集 陳頌

愛日堂詩集 徐景

憶園詩六卷 陳變

師儉堂文集 詩賦雜著稿 葛維燠

竹所詩詞集 吳會

樵月山房詩文集 俞國鑑

寒翠軒詩鈔 繆承鈞

倥侗詩鈔 西冷遊草 陳璨

天香閣遺草 桂天培

笑翁草一卷 金玉聲

古香亭集 朱光品

南游草 俞元燈

葱門詩存二卷 陸大珩

兒竹軒詩鈔 丁書玉

柳村集 張紹良

西河草堂詩牘 葉光蘭

聲玉山齋詩集 海陵詩錄 鄒熊

芸香詩鈔 葉光蘭鄒熊同輯

鶴舫詩鈔 田琳

黃瀛客詩稿一卷 黃鸞祥

痘科金鏡錄詳註四卷 俞天池

漱雪集 流寓許承欽

懷歸草集 流寓呂潛

凝暉堂詩集一卷文集一卷 流寓俞珏

石桴詩鈔二卷 河干草堂集 流寓戴聖徵府志誤作聖徵

練光草堂詩 天放草堂集 滇黔遊草 燕遊草 流寓

鴻團

西垞詩集 流寓胡表錚

景曾錄 流寓何永倬

太平善政 咫堂真源詩稿 流寓呂清

假年日錄 畫山樓詩十卷文四卷 遺詩一卷 流寓團昇

小畫山房詩集 流寓團維壙

爨餘詩文鈔 流寓徐步雲

幻雲詩鈔 釋性慧

香雨詩鈔 釋圓能

關關集 閨秀周貞媛

鏡奩十詠集 閨秀蔣葵後為尼名德日見淮海英靈集

秦州西溪志二卷 一名古晏溪志無撰人名氏

秦州志 順治間州人官偉鏐修雍正六年知州褚世暄重修

陳氏家乘 明陳汝輯國朝陳安策重修

宮氏族譜 宮增祐重輯

東鄉王氏支譜

海安王氏家譜

海安陸氏家譜

海安徐氏家譜

案府志以經史子集分部今依蘇州府志例以書從人以科分世次為先後又府志僅書撰人名氏不書籍貫茲據州府舊志及選本家傳采訪錄編輯外其或見府志而不能悉其為本州人者無從錄入

泰州志卷之三十一

藝文二

碑記

玩芳亭記

宋通判劉攽

楚辭曰惜吾不及古之人兮吾誰與玩此芳草自詩人比興皆以芳草嘉卉為君子美德無與玩者猶易井渫不食云爾海陵郡城西偏多喬木大者六七尋雜花桃李山櫻丁香椒棣數十種萱菊薜荔莎蘆芭蕉叢植穉生負城地尤良朱氏居之益種修竹梅杏山茶橙梨異芳奇卉往往而在清池榮回多菱蓮蘋藻於是築室城

隅下臨衆卉名曰玩芳於虜喬木森聳百歲之積也衆卉行列十歲所植也雜英紛糅終歲之力俄而索之不易得也天施地生非爲已役也能者取玩焉能主客也惠而不費莫相得也非易所歎深而不食爲心惻也於是刻石亭右以記歲月云

甲仗庫記

屯田郎 宋 樊景陽

海陵自五代置州隸淮南爲僻左然其物產之饒生齒之夥蓋豪視鄰壤其地控淮扼江背湖負海民啗魚鹽之利尤輕抵禁不幸乘歲饑往往嘯聚以慢吏其勢有足虞者若何不爲之備耶至和二年秋八月祕閣王公

來旣受署首訪備禦之術卽率僚佐戒郡吏視器甲所

在吏引公循西廡下指老屋數楹曰此謂甲仗庫入閱

其器則庳漏墊濕陰鬱勝

勝字疑騰字之譌

潤筋角幹羽或至

脫剝不可用公慨然語僚吏曰是郡負江海之險而兵疲械敝復又畜藏不嚴以開姦織之隙萬一有警孰恃以爲安哉亟以狀聞願益禁兵以爲捍備詔以青州武衛一旅充乃度亢爽之地易今屋其爲地五尺屋之高五倍之總十有五楹凡器之不完者一切增修之左右蘭錡棲列有次旣又循庫而西爲治事之廳總二十有二楹起十月己亥成十二月癸巳民過而望者徒見重

門修廡丹雘壯麗而不知梓材之所出力役之及已是
何慮之果而成之速耶噫天下不可一日去兵而弛備
今之爲守者狃承平之久恬不知變視其所爲可患者
斲斲然不肯施豪忽於其間第相戒曰無立異速謗安
知患之必至耶慶厯中盜發旁境數郡之民爲之駭皇
失措夫以方州之衆數夫環朶則茫然無支梧鳥在其
爲民上也今公於其所爲可患者先事而豫圖之則公
志於民者可爲遠且至矣特未知後之來者果能踵而
不廢乎景陽願書公之舉以告焉至和三年三月二日
記

郡佐題名記

通判 宋 黃 贊

春秋之法王臣皆書尊王命也公卿爵之大夫字之士
名之微者人之叙王爵也繫之行事而善惡存焉春秋
古國史之遺法侯國廢國史亦廢郡縣守令循酷之迹
史筆得以傳世吏民得書於當時繼者非此無以知勸
也近世凡賢公卿大夫出而爲郡縣者率書前政之名
氏樹之治事之堂曰題名記揭前人之號爲來人之規
鑒也其亦古國史遺意歟海陵郡刺史廳有都官員外
郎王冲之記焉通判之署猶闕祕閣王公牧郡之二年
夏四月賁銜命來佐郡事越十月新作治事廳工畢竊

自謂前後蒞是任者不復題其名氏何不舉前轍以告
 來者曰詢民吏求前人之治跡得聞今相國梁公天聖
 中蒞是任也仁惠明斷民頌其德祕閣王公之先令公
 明道中蒞是任也公勤清白民懷其德德則子孫景之
 勲則天下澤之以梁相國之勲烈未可揆也王令公之
 流慶有大參以姚宋之器作輔巖廊光令公之遺德於
 國史有祕閣以龔黃之術來牧郡事揚令公之遺政於
 吏民一門振振然尤盛繼而成令公之德業未可量也
 貴欲仕者景前政之美惡特舉令公之遺事而特爲之
 記云時嘉祐二年月日記

城隍廟記

宋 蔡綱 陳留人

城隍神祀與無之吳越有之風俗水旱疾疫必禱焉有
 唐乾興元年秋七月不雨縉雲縣令李陽冰躬禱於神
 與神約曰至日不雨將焚其廟及期六月合境告足乃
 與具官耆老羣吏白西谷遷廟於山巔以畚神休綱爲
 兒童時以先君朝議好篆書尤愛李陽冰此碑朝夕在
 几上今猶能誦之繇是知城隍神自唐以來廟食矣今
 年春自太府丞出倅是州始至謁城隍廟祠見其像塑
 坐破屋中風雨不庇有意完之適歲旱未遑經度其秋
 進士陳詒與同郡王履中耿端等請於州欲因其舊制

而稍新之既畢工乃使刻陽冰碑文置之壁因書其後以歲月云

案乾興爲宋真宗年號陽冰與張旭杜甫同時乾興當係乾元之誤

條桑子河堰記

宋 呂祖謙

淳熙元年夏六月秦州本部潮大水敗捍海堰詔州與兩使者參治維堰初作于文正范公首起海陵尾屬鹽城兩縣間百餘里及是半圯于水有司繕築未幾以訖工聞獨桑子河以南逕如臯境繚許氏莊後皆文正公規畧所未及春夏霖雨海汐暴興田廬冒沒版籍日耗

詔以委今魏侯不以造端立始無前規可襲爲憚慨然閱民病之不可宿儿土工之政令與其具修悉蒐悉講發命以四年十月乙酉甫半月堰成其袤三十有五里其縱尋有三尺趾廣二丈四尺積工一十有七萬郡人擁府門謹賀又忝書勳記侯不能禁昔史起引漳水以溉鄴追修西門豹之遺利杜預將橋大河或者以商周所都歷聖賢而不作殆必難立二者之胥失也斯民之生理無極而陵陸川浸之勢屢遷顛守陳迹者旣不足與合變至於因時建置雖由已出然前人仁心仁聞經啟區畫之餘業蓋有以起之矣侯於是役習于羣公先

政之源委一旦身履其迹而手賦其功宜所樂爲者用能先事不惑已事不矜以興泰人之長利以終文正公之遺緒以助成明天子實邊之大計後之爲政者將於此乎攷侯名欽緒歷陽人蒞役者海陵尉朱棣督護者知如臯縣耿漢知海陵縣穆沂

鼓樓記

宋 韓元吉

淮甸之郊介江而瀕海曰海陵郡其地富魚鹽駢商賈河流貫城中舟行若夷路其門跨水者三歲久而做浮桁以制衝櫓扉以置鑰曾無以示禁而嚴闔闔也錢塘萬侯以儒雅飭吏事守郡之明年政成而令修乃重理

所謂三水門者且樓其上以臨望四郊之遠民喜曰吾公可謂知所務矣以何郡之鼓角樓塾而壞民又嘆曰吾公其可忘此哉請亦新之侯則謝曰鍾被天子命守是邦無能也始至之日庫之緡錢僅數百庾之斛粟纔數十也旱曠繼作禱而幸應麥菽漸登稷黍雲委因得盡心焉兵吏之賦旣克歲時之用麤給故方隅無犬吠之驚以鼓舞堯舜之治然城扉之防奸征稅之自入有不可緩今民之居尙茨於茅葦而守之舍則亦寢備夏屋渠然以朝夕安處雖一樓未葺庸何傷而父老相與沓言之賓客士大夫愆愆之日樓之於郡府臯門之地

也笳馨之攸在無不設者如日之有眉面之有頰雖不繫於用而天下不可闕焉者考其造之歲月葺於紹興之丁巳又四十有八年矣由公而遂廢其忍乎於是又以其餘力始爲之樓既成翼以二梁樓於外遂爲一郡傑特之觀夫古之君子爲政而美者無非以善於民也民之所欲而拒之所弗欲而強之皆非所以善於民者况夫土木之功繕修營造之役雖聖人亦所慎重惟斯吏二千石心一不在乎民則沽整辦之譽以自衒其風力者有之增耳目之奇以自娛自奉者亦有之否則傷於財而蠹於民滴資匠胥之盜竊耳春秋於門觀之作臺囿之築無不謹者抑以是夫今薄侯之政則既善矣澹然不志於功利而蠹弊是去逮其舉事之際猶不自以爲是躊躇四顧殆有所不得已者至因其民之所願欲然後爲之輪奐翬飛不侈於前不夸於後無一取諸民無一勞其民者用能談笑而成推是以往舉而措諸天下可也海陵儒學之士吾意其必有歌頌之者將轉而上聞故其規制之畧費用之目皆無足以書特書其善民者以彰侯之用心俾後人與知焉

牧守題名記

宋 顧 簡 潮州人
 教授

海陵爲淮東名郡國朝以來析符命守遴擇靡輕一時

名人多副臨遣而是邦之俗頗號醇厚事耕桑尚儒雅
鮮機巧恥以浮薄相誇雖其風土則然亦繇前後循良
化使然也穆治舊有題名在天禧初屯田錢公昆創置
而書之粉壁至皇祐間都官王公冲易之以石而揭於
廳壁中更兵燼碑毀文逸久矣不存淳熙丁未陳公文
弼來開藩臨民以安靜惠養爲先蒞政之暇題名未立
尙爲缺典而守郡姓氏不可無傳乃訪故刻乃稽圖志
而質之文獻以求昔之已書者乃詢故吏乃咨耆老而
參之案籍以求後之未書者踰年併得其爵位始至及
去之日有訂有據靡紊靡畧鏤之堅珉植於廳事且虛

其後以俟來者嗣書焉公之意勤矣或嘗攷海陵本漢
吳王濞所都之屬縣枚乘所謂不如海陵之倉卽其地
也其後更屬不常廢置亦靡定義熙七年建海陵郡於
晉武德三年更名吳陵以縣置州於唐至僞唐始建爲
泰州則州郡地名大槩可見周顯德四年王師取泰州
命荆罕儒領州軍明年世宗臨幸升圍練州賜鼓角門
戟時則率汀代罕儒宋受命除王仁瞻以代率汀旋降
爲軍事州按之史志可覆也今自荆公罕儒次第登載
凡一百四十有八信以傳信庶有攷於將來石旣具確
碑旣就公命紀其顛末於是乎書淳熙十五年季夏初

吉

海陵教授記

宋齊璧
蘇州人
通判

國朝文治過前代自慶厯開天章遂詔天下皆立學然
官猶未備也至於中興備矣海陵在昔為中州學建於
時已久前英後傑踵武而來不知今幾人矣或者官三
年歸迄無一朝之蹟師道不明蓋百有餘年於茲嘉禾
徐君嘗纂而識之惟附于藏書記之後前乎諸儒又多
遺者武林章君樵繼之乃訪耆老詢舊聞旁搜遠證自
任君質言而下得二十有三人古今人物於是咸在所
屬朋友聯師儒之教遠矣惟君處士學由舍選有聲稱

於時出為是官能昭其道不以地偏寡徒自放於便腹
經笥之樂故其志念嘗務植立而有為豈獨是舉為可
尚哉君既多學而富於文奚俟予言以詔後謂予與君
嘗為同舍郎既而得為同年生今又同仕於是邦投分
為深故特使予附名其間以圖不朽後之人儻知君用
志之勤飭工之難其尚謹而護諸

報恩光孝禪寺最吉祥殿碑
宋陸游

天下無不可舉之事亦無不可成之功始以果終以不
倦此事之所以舉而功之所以成也海陵通州之間自
建炎後為盜區戰場中雖息兵然猶鬼嘯狐嘯於藜莠

瓦礫中自官寺民廬皆畧具爾未幾復有紹興辛巳虜禍前日之畧具者又踐蹂燔燒滌地而盡乾道淳熙以來中外無事涵養滋息且以國力興葺之迨今四十年而城郭屋邑尙未能復承平之舊至於浮圖之廬又非郡縣所急或盛或衰皆在仕者所不問則其舉事若尤難者嗚呼是特不遇浮圖之傑耳信有之未見其果難也秦州報恩光孝禪寺是已寺始爲天宣萬壽寺今名蓋用紹興詔書改賜亦火於辛巳之變有祖彥師者復葺之未成而化中間屢易主者至紹熙中今長老德範師應轉運陳公損之之請而至寺雖轟建而大役多未

之舉有巨鐘千石方寺壞於兵樓焚鐘墮扁而不壞範始至奮日鐘不壞寺將興之符也吾舉事將自鐘始乃建樓百尺以棲鐘鐘始鑄歲在乙卯至丙辰歲五月而樓成人咸異之遂議佛殿殿之隙彌甚修需錢數千萬見者縮頸曰使可爲豈至今日邪範曰不然吾當與有緣者力成之不敢以難故止已而有居士劉洪首施錢五百萬施者不勸而集積爲四千萬有奇乃伐木於黃岡蔽流而下方役之興以關征爲懼常平使者王公宣聞之曰斯殿以資永祐陵在天之福孰敢議者吾當任其事於是所至皆爲弛禁殿以崇成爲重屋八楹東西

百三十六尺南北九十六尺高百一十尺佛菩薩阿羅漢三十有一軀會王公去而後使者韓公槌取華嚴經語書殿之顏曰最吉祥殿範又爲閣六楹以奉今天子昔在潛邸賜前住持覺深碧雲二大字閣之廣袤雄麗亦畧與殿稱餘若方丈寢堂廚庫水陸堂兩廡累數十年不能成者皆不淹歲而備最其費爲緡錢二十萬在它人若寢食不遑暇範獨終日從容倡道以進其徒一警欬一顧視皆具第一義學者往往得人而其師別峯之法遂盛行於江淮間矣凡一寺內外莫不粲然復興是殿實爲之冠慶元六年夏四月範使其書記蜀僧祖興來求予作碑予旣盡述其始末且爲之銘銘曰海陵輿區名寰中長淮大江爲提封於皇徽祖御飛龍臣民薦福遐邇同是邦巍然千柱宮中有廣殿奉大雄壞材蔽江西徂東波神呵護如雲從璇題藻井翔虛空丹碧髹堊無遺工劫火不能壞鴻鐘雷震鯨吼聲隆隆層閣闕奉龍鸞蹤榮光夜起騰長虹徽祖聖德齊天崇澤覃草木函昆蟲咨爾梵衆極嚴恭熙運共慶千載逢餘福漸被兼華戎長佑農扈消兵烽

提舉壁記

宋戴溪

諸路提舉常平創置於熙寧三年淮南東路其治在揚

州崇寧元年始置提舉措置淮南鹽事通管東西兩路揚州亦其治所也常平自熙寧後置罷不一或兼領於他官提舉鹽事置九年而罷罷十年復置宣和五年兩路始各置提舉官於是范冲爲東路以提舉鹽香茶礬事爲名建炎三年移治泰州紹興五年茶鹽與常平並罷併入提點淮南兩路公事是歲十一月分鹽事復置提舉通兩路爲一茶事猶隸提點也明年罷提舉司置東西兩路轉運判官就以提舉蔣璨爲之兼領提刑常平茶鹽事九年常平復隸提刑而茶鹽專置提舉十三年提舉徐注請於朝詔常平茶鹽併爲一司自是定爲

提舉常平茶鹽公事至於今不變也初置提舉鹽事時猶用奉使法若李口呂建中皆以講議司檢討文字出使當紹興六年殿中侍御史周祕言提舉官寢輕願擇資深望著之人自是權稍重且彬彬多名臣矣紹熙五年鄱陽汪茂楚以尙書郎爲使者始至措畫荒政民皆安堵數月政成庶事整暇願瞻所司未有前任人名氏懼無以示來者且沿革本末莫之載也訪諸故牘得其梗槩自建炎三年以後居是官者凡四十有五人刻石置諸壁惟淮東鹽課爲他路最日增月羨今視紹興初幾數倍矣獨州二十四縣爲常平米斛比歲不滿二十

萬卒有水旱宜汲汲然救荒不暇也夫常平茶鹽初置於中間離合罷否不相爲謀數十年間卒併爲一蓋講究之詳而後得此美意也顧用度繁多未能弛利子民爾若究心利源不遺其力賑民之策泛不經念則何取乎設官之意也通融有無撙節浮費收其奇贏以爲賑民之備顧居官者施設如何爾取縣官之財養縣官之民固仁政所樂聞也茂楚明敏詳練孜孜愛民蓋有志於是矣繼此補虧益寡足國養民兩盡其職則刻銘於石可以無愧是官矣慶元初元夏五月記

方洲記

宋知軍李駿

駿被命海陵郡若有天幸初至小稔明年中熟最後大有年人情和集事良易郡有城城有樓櫓戍有兵兵有食與器惟市之河舊貫南北數十年來居民枝柱閣架其上折蒿蒿應作篙膠舵脫有警外舟奚歸欲浚而深之岸

摧棟傾闔闔千家弗寧厥居與常平使者徐公議其宜各殫厥費疏西南地于丈蜿蜒委蛇架天寧經武二橋舟馱車馳居者行者交以爲便河成民面河爲廬以防異時納污湮塞水次爲營壘爲庫廩爲芻薪場爲校牧地以便出入祭奠嚴於社稷而莽茜壤穢祈報弗肅則又倣古制築壇爲壇於是癡兒之事僅無缺遺矣雖然

淨塵襟曠幽懷樂民之樂而民亦欲從太守游而樂者
未有其地也郡地平如席惟泰山巋然爲嶽神之居新
舊河交流其下旁有水一泊形肖大瓠號葫蘆河昔隱
君子廬焉宏而爲池植芙蓉二十畝有洲正方宛在水
中央跋而四矚心與景會廼堂其上曰醒翁以蓋其日
飲上何之愆也日出沒於堂東西政政應東曰朝暉西
曰夕照又堂其後下瞰清泚中通書舸曰小有洞天兩
堂之內渺然一壑跨壑爲屋五楹如藏龍驤萬斛於寂
寞之濱曰水雲鄉後有室屏窗明淨實具竹樓之所宜
日六宜右培塿出水中櫺其形高聳長不踰丈椒四本

日椒嶼旁有以藤蔓翳翳僅通一葉窈而深中有人聞

雞犬聲曰桃源桃源之南醒翁之西鉅竹千箇蒙密可

玩目

目字疑日
字之譌

一日不可無堂之前楹爲臺可百客發

以堅甃周以欄楯風露未下水光接月下而右楊柳雲
矗蘆蓼叢生有垂綸地曰葦間易鄉而奇過小橋不十
步亭曰盟鷗與知魚東西直一日隱几堂上若有告者
曰二友至余踉蹌越長隄訪之疏華的皪凝睇竹間相
對忘言久而後去過所謂公來游者有客幅巾大袖貌
甚古前揖余曰忝鄰邑鄙人也常游此舊爲蓬蒿藜莠
地狐狸所嗥昏鼓動輒無人跡今萬瓦鱗差戶挹清波

酒帘戲鼓在在諠囂舍舟步經武橋少前突兀闕麗雙
扉洞開若王公貴人居視其扁隸若蜚動余不能禁余
足闔人亦莫余訶不知此爲何地子爲何人余揖之坐
不坐巡簷而馳若狂若癡且額且指曰鼈背鼉鼻負崇
臺複屋於水中非子所謂方洲邪余聞海中三神山曰
方丈瀛洲者非此邪余曰不然請與子游客辭曰忝觀
其外於是偕行至一春佳處凍木僵立而色香華萼生
意可尋東有柴扃煙蓑風網知其爲漁村也循曲徑而
北茂林修竹崇山峻嶺雖出人事見謂天成三百年後
安知不指爲永和修禊處也又北登高橋一碧蕩漾玲

瓏縹緲倒影清波鶴有田鴈有澤拍手而雙飛敢聞開字

疑有民應而羣游二道民作氏揖柳陰下相與入瓢庵啜茶

已譚修丹還轉法使人頓忘世慮出河濬柿林屋三間
號青龍莊過小有洞天揖客入客趨而右掬七一泉清
冷入毛髮折旋而南憩蒼荀林中醕客大白客醺然心
醉而去若不可以留問其故曰此神仙之居我骨凡我
蹟塵土趨而出常所乘舟登岸處門適啓所艤舟又適
在岸下鼓棹去莫知所之余亦愴然因記客語爲方洲
詩記時嘉定辛巳臘月也於虜前乎此歲在辛巳羣胡
以此爲餌斃佛狸佛狸雖斃而海陵受禍亦良慘十月

十二日子數窮六十歲復在此而乃以園池之盛稱於兩淮是天時邪抑人事邪嗣而葺者其懋之哉

泰堂記

宋知軍陳垓劍池人

易前民用龍馬負圖而伏羲畫之重門擊柝豫也上棟下宇大壯也聖人備物致用神吾通變宜民之機而必受之以泰者合上下于泰和混民物以成順則易之功用全矣我藝祖皇帝重造乾坤與庖羲氏等當五代之極否創萬載之太平天下一家咸躋仁壽海陵實天賜幸倉於漢祠於晉郡于宋州于唐而有開必先泰其名於再開闢之始非天乎是以九聖百六十年之間四海

晏然而泰獨盛生於斯查道許元胡瑗周孟陽王觀俊又官於斯呂夷簡范仲淹富弼劉攽孔道輔陳瓘卓卓乎師儒之魁倫奕奕乎公輔之傑特一善一能不與也牡丹之什相業顯清風之堂文會偉山亭有咏玩芳有記梅花而秦蘇詩之仙源而徐翁宮焉耳目所睹記承平盛觀稱其州名矣南渡以來井邑雖落佐大農走巨賈才鬻海耳猶曰富州常平使施公宿城之守李公駿請戎兵千為寨為倉為河為都肆肆應作肆之場為方洲之園二公書生也深於豫與大壯之旨哉惟垓不才嘗客施公以幕府事李公癸甲乙丙丁誤恩其二俱踵賢躅

懼於弗勝城北隅之黃龍壩議而不克經理者七十載
費不貲言人人殊於是僦流民爲工捐酒錢爲庸庸以
市直鑿十三里外濠面二百尺深二十尺南北浮梁西
東間渡郡所三便鹽買帘樓二易茨壚將迎之鋪南海
春東大雅七里而近亭徐蛻扁歸鶴訪李公之園則叢
酷旅泊莽蒼就荒旣一新之屋於竹純節名莊以旆青
龍名西踰于河河界岳樓岳高六十尺樓四十尺其顛
聳斗插簷金焦歷歷衰河爲湖步有新三字中船來者
艤泰亭亭而循崖崖而磴磴而梯繇天閱暘谷上起雲
則斯樓也載哀餘材左造麴院右便民庫披詔春二亭

以拱麗譙入子城之東沮洳百畝實以濠土選士五百

良馬兩之以廐以營總七百間號節制司親兵廩視屯

旅弩機弓的騎左右馳斥圃以閣而囿廢亦多歷年閣

曰清風植以景范亭曰六詠艸以跂曾訪參軍梅揭浮

香雙奎復玩芳亭藝劉記諸并案劉放玩芳亭記中有

許字種篔簹爲屋爲砌結茅爲菴爲杏村疏水爲虛舟下臨衆井語并字當是

爲四橋遂芟榛伐楮輦礫畚壤剏正堂軒其後前廡四

十楹直公庭並道院綠疏鬆閱邃麗靚深以州名名張

吾泰也七月旣望率郡大夫士大合樂以落之咸請書

其率凡因語之曰泰之時義大矣哉唐虞之比屋幽之

公堂予熙熙如登春臺

案上下文義予熙熙如登春臺句當屬魯之燕喜泰也句下

魯之燕喜泰也田里無嘆息愁恨之聲而其理惟良亦

泰也泰之民十雉九濠柳蔚榆繁平蕪野水層瀾四入

絡繹旁午笑歌載途迨我暇兮泉菊華表

此句中疑有誤字

洲而芳陟山而樓坊里之新貢闕

二字無解案李駿方洲記有周以闕楯句

疑原本楯字省作楯傳寫誤作貢

之築又將鳩公子以為泰乎垓之愚

竊謂易六十四卦卦具一象乾坤六子體用則殊惟泰

六爻之義上下內外小大靡不包括左右民則生生養

養必適於兩間之宜不遐遺則事事物物必周於一念

之頃適則人樂其生周則事無不舉若可以泰然矣城

復於隍凜乎上六之戒浚垣深塹設險固禦鞏吾泰之

域保吾泰之常者歟方今君臣相孚內健外順裁成輔

相上下交泰垓以承學諸生待罪支壘弛瓜堰之征畧

魚蓮之議或者賈泰削學租之增昇閑田之入或者士

泰月給以券兩衣三食營恩代供閱牒

牒字疑牒字之譌

倍予

或者軍泰貼糧夫輸丁役百須自公一賈必布或者民

泰凡所以奉上之德意志慮布諸千里者惟恐不力而

昉於濠之役故詳書之礪石斯堂與宋無極

登科姓名記

宋 陳 垓

皇帝龍飛之四年改紹定元年二月乙巳詔日游夏學

問淵源董賈議論通達悉上春官造廷待問尙書禮部
下郡國甲寅詔至泰州臣垓恭率州文武吏士父老迎
拜南門奉書伏譙門下宣讀仰惟國朝受天明命率三
歲間郊一而士兩之凡以敬天也天生英明俊偉之材
而堯舜禹湯文武周公孔子數聖人任師道之責以成
之其說具載六經諸子百家之書傳天下後世師也君
也天也敢有一豪忽哉漢高祖干戈百戰之餘猶詔天
下曰今吾以天之靈定天下賢士大夫肯從吾遊者吾
能尊顯之御史中執法下郡守其有意稱明德者必身
爲之勸駕遣詣相國府署行義卽今科舉法也乙巳詔

旣宣州以勸駕故事秋賦按圖經雍熙二年至嘉定十
六年登進士百餘人廷對第一第二甲乙科冠本經舉
宏詞仕有至樞府政地者地靈人傑天之福是邦也舊
矣貢院剏於慶元三年纔六十二間地勢下市聲近位
置窘狹面城之陰利攬而塔左之陰陽家之說弗合垓
常謂海陵城之東岡榮坡起如天馬南馳故城隍之祠
以靈顯庾嶷之臺以官顯萬壽之宮以仙顯其前缺如
葦連水積蒼龍之角誰實歎之因詣學偕諸生議僉曰
可而以築淤爲最難垓承乏於茲軍政麤舉民力麤甦
商議士實士况吾黨教養非特文舖啜也而責在教官

俊秀非矜能眩智者也而責在父兄垓幸以前進士行
 太守事奉詔勸駕垓之責也於是度基格嚮畚土市材
 昉於正月己卯迄於七月甲戌土之備三萬五千八百
 匠工半之靡金錢三萬二千三百二十五萬米一百八
 石俱有奇給皆州帑而一費不以累縣一力不以煩民
 焉前奏闔層右聳文筆旁翼之以御書閣後坐之以玉
 清殿伉都門二十尺膽錄所垣屋十九彌封其右屋十
 重門巍然於中聯東西兩挾四廊凡六十六楹廳之楹
 六崇深皆二十四尺長七十尺貫以屋三而堂堂如廳
 之數軒其後爲閣道監試所須凡揭什物皆具諸生請
 刻於石垓因得以勉之曰士生斯世天資之賦予地靈

之孕毓師教之有司進之天子又下明詔以招來之士
 之一身責亦重矣彼偏方僻壤病於無所師承而吏汲
 汲簿書期會於科舉或具文也則猶之可諉孔子之後
 韓歐以來師道孰如安定先生者仁義禮樂邊防水利
 時政又其學之目也以奉大對以入官寧越於此哉今
 東南數州潭以南軒建以晦庵婺案婺字下疑東萊溫脫一以字
 以水心明以慈湖而科甲之英公卿將相之選皆於是
 乎盛秦之爲州人物典刑事業魁偉載之簡冊盪人耳
 目昔何人哉今何人哉得於天者非不全徒慕人爵而

不知所師則撓其天生此地者非無人徒羨三子而不師安定判孤此地爲諸君宜何如不負於師則不負於天不負於有司之爵進則不負於明天子之詳延矣學問必淵源議論必通達蓋詔旨也敢告

起雲樓祠記

宋陳垓

傳曰雲觸石而起不崇朝而徧雨天下者唯泰山爾淮東無山泰於椒邱祠嶽而州是名寶慶丁亥守陳垓濬水環崖作亭其上植花柳竹爲隄輒曲折以登日天閱日陽谷最高日起雲秋七月落之天新雨雲開月來舉大白問雲家住蓬瀛船過方洲繫之泰亭更躋攀天閱

不崇朝天下春旗五丈裊西風獵獵羽扇綸巾江頭駕起冰輪二百里金焦入坐青問清都絳闕詩盟誰健瓊漿麟脯其醉何人歸鶴徐翁滄浪范老參語欄杆天又參雲知否認三台明處玉宇無塵前三年余城興化卽湖曲爲滄浪清風閣詞舊令文正范公近創歸鶴亭於徐神翁響林故併書

案記中自家住蓬瀛至玉宇無塵一百十四字係沁園春詞一解上下文義不屬疑有錯簡題中祠字疑亦詞字之譌因宋人作故存之

天目山記

宋胡昉

海陵東南姜堰北有天目山古地鉢福地峰鳩陶隱居者云地鉢臨江東後漢誌海陵真誥謂五陵地此一也海陵塗泥鹹鹵土薄蘆葦所聚無崇山峻嶺茂林修竹而天目邱聚土厚水甘迥異四隅宜松檜竹柳所以爲福地東晉道士王治隱居於山修靈寶法鍊丹存神植性累行歷宋齊梁百餘年功成行滿丹就果圓雙童傳召王治羣仙導引步虛清樂之音四比皆聞白日飛昇世人始知山名天目二井公臨昇舉封鐫極密乃藏靈寶符杖履水襪隱形帽於左丹井梁昭明太子聞公昇舉同邵陵王詣山致禮導港直下山下公居山日有五色鹿產一女於山左草莽中聞啼聲往視之見鹿乳焉公挈養之菴鹿日三至女至七歲造一鹿女臺公飛昇後女欲南渡邑人餞之橫浦云後百年復來履江水而去景雲二年十一月山忽鳴吼聲聞遠邇乃敕遣天台山女道士王妙行各山大川洞天福地投金龍玉璧王妙行卽鹿女計百年矣唐永徽中宥道士楊文稜預言逝期又有王元真絕粒五十年至八十四逝就窆空棺隻履山有披頭阜角樹合抱仙翁手植匠者睨視山怒木嘯採訪使李登以聞天字七年賜額興安觀歲更二

名賜田十頃天復之亂縣尹李漬欲取山材治縣宇山
神夢中現相漬立廟於此以祈之元豐二年蔣公之奇
爲大漕致禮請禱開右井得鹿角至數十丈獲金龍七
寶璧三十六與通判何琬漕屬張軒氏同知觀葆光法
師金若水重治堂廡百餘間具以聞賜額集真觀宣和
七年邑民顧仲文治殿基得丹爐鼎著其土赭赤服之
愈疾山自地湧氣淳土厚後人益培於左而山遂成贅
今七百年矣嗣今繼者雖古木亦彫零况榱棟乎他年
苴梁木堪人跡屏絕則隱者至矣

案舊州志作胡紡下注淮東轉運判官不詳何代新

舊府志於天目山下附載此記仍州志作胡紡俱作

明代人攷明代無轉運判官名曰府州志安秩官內
有淮南轉運判官胡昉其爲昉作無疑州志昉誤作
紡淮南誤作淮東今正之

建儒學泮橋記

清軍同知明張徽大同人

宣德己卯春聖天子誕膺大命嗣守洪基嘉惠萬方與
之休息誠生民無疆之福也厥夏物歸長養麩麥皆登
物阜民安政通人洽適予按莅泰州於時學正鄱陽汪
淮謁予公館請曰學有泮古制也某無似承乏典學廟
粗以完葺而泮未有匪闕典歟子大夫儒者曷有以處

之予惟泮之爲言半也古者諸侯之學有泮水謂其半於辟雍也以鄉社之宮故曰泮宮焉觀詩思樂泮水頌僖公旣作泮宮淮夷攸服於是乎采芹采藻以至獻馘獻功皆在於泮因以知古者出兵則受成於學告至則釋奠於學無一不在於泮所以重其事而致其敬也然則學烏可以無泮乎爰命鳩工庀材明倫堂前度地東西廣七丈南銳二丈各有奇闕若半壁形圈其中央者三以爲甬道浚導其流疏通其滯以瀦江河之匯而達滄海之津湛然其清也涓然其精也源委之來有自浸灌之利無窮俾士子遊於斯者曰斯泮也可以論我芹

可以濯我纓矣斯橋也可以節我行壯觀我庠矣豈不樂遊於泮水悅心於問學哉他日材成器就效用於時克廣德心丕宏功業俾聞望隆於世聲光垂於後未必不由斯以馴之也苟遊於斯者怠於其爲教爲學之道徒以爲美觀嬉遊之資而弗加勵欲冀有成焉非微之所解也肇工於維夏初吉竣事於五月下泮司教鐸者率諸生歌鹿鳴以落其成州之守貳六川劉馨等復請顛末將勒諸堅珉以示不朽顧予猥叨佐郡旣不能移易民風贊成治化又不能崇獎士類以興起斯文深有尸素瘞曠之愧幸樂諸公之志有成故不辭而述其梗

概且繫之以銘

案宣德無已卯年當有謬誤

重修儒學記

明 禮部尚書 王 英 太原人

正統十四年己巳冬十一月重修泰州儒學既訖工學
正陳孟且遣州庠生薛振具書其事來請記曰州之學
廟堂門廡歲久積敝監察御史蔣公誠按巡淮甸至秦
視之曰朝廷屢下詔興學勸士而學可廢而不修乎乃
出已之俸錢為倡於是知州黃性與僚屬各捐廩俸市
材木募工匠伐石治鐵而富民巨商聞之亦以粟帛為
助百費咸備撤其所謂積敝者並手皆作大成殿兩廡

櫺星門泮池池有亭開之外又開三池築臺其中以樹
花木殿之後明倫堂三齋堂後新作崇文樓高峻深廣
以貯經史百氏之書其旁廚庫之屬靡不周備而規制
視舊有加矣初以城中運木石甚艱乃相地所宜開二
里許引水抵學門之南以省運者之力人皆稱便凡所
以經營籌畫皆蔣公而竭力興作者性也協同其謀者
提督學院監察御史孫公鼎巡按監察御史周公紀贊
相者揚州知府韓公安督工匠者州判于敬鎮撫韓斌
張珪功垂成吏部尚書趙公新以巡撫至加以督厲獎
勸吏民欣喜其成也人不以為勞孟且所述如此嗚呼

庠校之建教育賢才以爲天下用豈不重哉國朝列聖相承爲治之道本於用賢以教學爲先務既命郡縣借學官又置憲臣專理學政其法嚴矣矧淮海之濱泰爲名州士多才俊學舍不加修葺可乎蔣公敦厚清慎執法無私所至奸邪屏跡吏民畏悅而尤以修學爲已任使泰州之學煥然一新可謂知其所重爲今之名御史也泰之士來遊於學者可居安而自逸乎必朝夕孳孳從師取友誦詩書禮樂之文講忠孝仁義之道出而致君澤民斯無忝於爲士無負於朝廷建學育材之意蔣公之修學孟旦之請文皆有望於此也故爲之書蔣公

字性存江西大庾人第進士以邑令拜御史性南平人鼎字宜鉉松江府學授升御史廬陵人紀字功載由舉人任武陵教諭永嘉知縣升御史吉水人孟旦泰和人蓋老成宿學云

進士題名記

翰林院學士明周叙吉水人

進士之選天子求賢以翊邦家圖治理者也周官大司徒以鄉三物教萬民而賓興之王制命鄉論秀升之司徒曰進士此其名稱所由始也然則進士之選其來尙矣士之有志效用登名是途不亦榮且幸哉我聖朝稽古取士尤重其選舉于鄉闈者曰鄉貢進士中選于禮

部殿廷者曰登科進士發身雖殊而布列有位明揚治
理則一而已矣揚之泰州爲南畿名郡學校人才所出
佐大藩守大郡陟憲臺與夫縣令教職累累有人然自
洪武甲子科目再興以來其膺鄉貢進士之選者亦幾
二十人若薛君廣永樂癸未由工科左給事中擢懷慶
知府其尤著者也學舊卑隘漸就傾敝巡按監察御史
大庾蔣公誠至慨然以修復爲己任遂命有司蠲俸並
勸率官屬商旅好義之士助貲增大規模撤舊更新之
於是學制畢備願惟進士題名碑尙缺復遣州學生振
以學正陳君孟旦書來求予爲記公由名進士歷官中

外綽著聲稱餘聞其巡治鹽法明而不苛寬而有制所
至修學政恤民隱去奸植良蓋憲臣之表表者也觀茲
盛舉他可類推矣嗚呼古之取士考素行之原詢鄉曲
之譽崇禮遜明節義以朴厚爲先文藝爲次故曰由鄉
論秀而後升之司徒也時不同而理同人豈有古今間
哉凡來游於此者視學政之新觀題石之揭益進德修
業以古人自期待吾見掇高科躋臚仕宏功業於時者
接武矣豈惟學校有望於蔣公惓惓之意得不有光哉
相其成者監察御史余從弟紀揚州知府閩郡韓侯宏
來徵文薛生則前懷慶知府廣之子也皆在所當記者

於是乎書

重建望海樓記

明徐嵩

秦故海陵縣僞唐時改州瀕海而通漕時移世變湮塞日遠望海樓在郡城東南隅其西則佛刹與樓並峙巖序巍乎在中相去皆百餘步堪輿家謂龍盤虎踞係科第盛衰宋熙寧慶厯間人文極盛如許查周三姓高科無仕項背相望周氏凡二十一人其他未能悉記至國朝斯樓惟存遺址而人才視昔亦衰則形勝制克之說似爲有徵歲嘉靖己西南田鮑公龍以進士自南刑移守廟謁日廉得其由慨然欲以身任未遑也而竟成其

志起數百年巨廢一旦盡還舊觀人情大慰夫王政設在天下分屬於郡縣其關係學校人才者守令皆親爲先然堅完易守積壞易葺至於廢久而不存者非其人亦易舉行斯樓興廢歲代郡乘畧而無考據當時題詠其創自盛宋之初而廢於胡元兵燹之後由今溯昔歷三世餘四百年黍離麥秀之感中豈無人而成功迄有待于今日茲土之遇不遇人文之幸不幸也公始興是役請命於諸司而必求其可取費於好義而不震以威借役於羣力而不斂乎怨畫方面離以定其位度材任能以考其成較然若運諸掌非經綸裁斷孰能與於斯

樓成計其斷鼇爲柱凡四十有四基而上高三十六尺
橫從廣六十步可以建旌旄可以橫講席重簷邃阿可
以蔽虧日月而隔離風雨樓之前東西築室各數十楹
車馬僕從之所經也樓之西別建一坊顏曰拱文龍光
奎秀之所射也坊外有溝跨橋通路以通於學舍曰回
瀾凡此皆所以羽翼身樓一出於公之精思茲上何幸
而人文能發揮之疑不若是烈也從其利達於風水縱
吟賞以登眺而於前擊者邈然一無取裁豈公之所以
望於後學又豈後學之所以自望者哉是議初建作興
於上而給終事者巡鹽御史湯公選奔至於下而受成
不怠者同知張君鶴州判金君治吏目何君澈周旋乎
中而闢白於御史臺者學政陳君克讓訓導鄭君相與
生員王沐等皆公之初功也嵩嘉此舉有裨於教育而
重違師友之請爰拓其義爲文以記之并書同事者姓
名以垂不朽

劉白川公生祠碑記

明徐嵩

嘗聞懷謀國之忠者建英偉之勲有爲名之實者垂悠
久之業君子秉機握鈞以照臨一方孰不欲全此四德
以流光於無窮或上信未孚而非有爲之時或下澤未
究而無可乘之勢求克濟難矣是故止相時審勢以固

其謀猷萬全之道也無何嘉靖乙卯島夷犯順荼毒地方朝廷采羣議設海防憲副以鎮之開府秦州丙辰丁巳賊至縱橫江淮迄于泗上雖設帥增兵卒無能阻其奔突者戊午崇陽白川劉公奉璽書以來適水旱相仍公私困憊公曰司之設備倭也民不安則外患何禦銜以憲昭風紀也法不振則奸宄何懲於是蠲不急之務罷無名之征與民休息阜財興利之政次第舉行惟貪暴干度者罰無赦一時流移漸復民獲稍蘇間歷海上修城堡謹烽埃塞要害選將練兵爲戰守計是歲倭不敢犯預與中丞李公議奏調邊兵二枝令參將領之以

便策應己未春汎報公從容畫守備之策定應援之規革軍餉大戶減召募義勇申嚴保甲劑量經費雖干戈倥偬之際撫摩小民如赤子而士民亦依依然如愛戴父母也五月倭果百艘並進狼山主帥不支次第登岸沿江焚劫先自楊樹港入者會合周壯港之賊越通州而西公曰事急矣使賊過如臯維揚震驚前事可鑒也兵法先發制人卽麾下率並游擊邱公疾馳白蒲會諸軍以待賊遠來利於速戰公堅壁不出候其稍怠乃擐甲誓衆直攻賊營游擊騎兵分兩翼衝之順風縱火自辰至午數十戰皆捷斬金鎧乘輜酋首一人賊遂潰亂

由富安東掠公與邱公統水陸之師追襲至姚家蕩幾盡賊欲分我兵力先後繼進自料角觜入者出丁堰公殲之於曹家堡潘莊自青墩港入者出西亭公殲之於小麥港新河口白蒲餘孽徑趨廟灣公合中丞師破之先是三沙有賊千餘焚劫江南官軍失利假舟潛渡寇我通州公檄諸軍敗之於舊場敗之於仲家莊又敗之茆花墩江北之賊悉平是役也斬首級二千有奇捷聞超拜憲使將大用也於是秦之士夫顧玘等鄉進士唐洪度等國子生盧炳等義勇官吉賢等耆民蔣圻等商人陳時等僉謀曰往者倭奴猖獗虔劉我人民蕩焚我

資產倉皇遷徙肝腦塗地今行旅安于途商賈安于市士民安于居公之賜也願祠而祀之各蠲資卜吉地於城中務本坊街泰州知州陳言等欣茲義舉出俸以助封君凌可楚府引禮舍人沈良士相度規制鳩材勸工陰陽學典術劉昆專督焉外爲大門知州陳書扁日報德內北向爲中門東隅爲碑亭南向爲儀門次生榮堂次正寢塑像在焉廊廡庖園旣固且安費不出於官役不勞乎民經始於己未之冬庚申春告成儒學學正樊城訓導周濂周希朱簡籍弟子員胥儀劉岩等謁予請言紀其事夫天下有是非之公人心有真切之感易曰

鳴鶴在陰其子和之言感應神也白川公爲天子憲臣
不有其躬提一旅抗方張之寇親冒矢石跋涉險阻蒙
犯霜露凡四閱月矣謀國爲民之心剛毅果敢之氣真
足以貫金石而格鬼神使當時萌一豪自顧之私覩旌
旗而色變聆金鼓而膽落不若是烈也祭法曰以勞定
國則祀之能捍大患則祀之諸君不戒以孚成此盛舉
亦秉彝好德之良也昔召伯布政南國役人愛甘棠而
勿伐羊祜樹勲襄西行者望峴山而興思巴郡之祀王
堂荊州之祀呂諲理在人心古今一而已矣或曰公春
秋鼎盛宦業日新行將出將入相豐功偉績銘太常圖
麟閣固其所也何棲棲於是耶衆曰不然人之仰名山
勝槩者必曰恒嶽太華而山之在天下未必皆恒嶽太
華也峙於一鄉者一鄉之望峙於一國者一國之望而
仰止之心同矣公仕於茲吾人奔走服役覩繡裳章甫
以慰鴻飛遵渚之懷矣異時鳴騶入朝仰瞻遺像而繫
無涯之思亦泰之恒嶽太華也公何與哉予曰然并記
之姓名不能具載者列於碑陰

新建儒學義倉記

明 王陳策

秦州安定之鄉也士知學而敦義自元及今號小鄒魯
比歲兵荒育鞠未紓雖有學田名存實亾事無從給禮

節遂衰識者愾息焉嘉靖甲子冬龍津姚公以廉平調
守首進諸生而詢闕失慨然以興學自任優文行賙貧
乏立文會給以筆劄有差復自計日是有限而難久吾
將思廣之廼括俸資商羨若干糴平米三百石倣文公
社倉法貯之以貸諸生每石加息三斗四月受米十月
還倉歲計得息九十石以需諸公費仍存本米以貼來
歲傳之無窮始受日公率師生戒牲陳詞盟於司庾一
時士類祇歡以趨復具條約聞于督學侍御楚侗耿公
報之曰是嘉惠學校雅意也無何學正張君拱明至謂
此法行而吾施教益輕奈何令其泯泯俾生員馬如徐

壽昌輩求紀于石策謂學者治生爲先而菽粟水火人
斯興行緣清之治也釋此弗用防絲孔嚴而豪傑輩出
寧悖腹以學乎而或人授之金亦一也盡也惟義倉設
則米以濟之不貸民間息以周貧不求臺府公私依賴
而頹仰無慙以固良心以立廉節以復在昔人父之美
公惠實多公守泰半載清白之操通於天日故首務此
至集流亾治田野裁冗費警吏胥宛然濂閩規畫達于
王政爾矣循良奚足方哉公名篚平湖望族理于信守
于宿所至有善政且奉擢刑部員外郎其嚮用蓋未艾
云

新設儒學義田記

明凌儒

天下郡縣皆有學學則不皆有田士之游於學烹養於國家者惟廩膳日有給月有需餘則無所資藉若我州則地瀕江海且磽以鹵諸生尤號於貧幾二百年而學田未設每觀風者至輒相率籲鳴于庭甚則不惜貶損將庶幾升斗之惠有志之士亦或自困不獲表見於時會儒奉敕南巡祈予以故事爲言當道迺白川劉公筭飭淮揚海防慨然思爲之所隨以勦倭人居外至仲秋凱還乃命學正樊君城暨訓導兩周君濂希朱簡君籍勦買都內外田凡後先五百四十有四畝歲入夏秋之賦以俟贍發掌典以人輸納以時稽覈以畫圖而造冊則以待攷在上不虛惠可謂曰仁所施得其宜可謂曰義諸生免屈膝之辱可謂曰禮一事興而羣美集白川之功將無有足多者與咸以弗鐫於珉以紀其事則無以取信後將曷徵曩嘗謂泰我梓里也請言於予予時以田未多辭有待茲按浙至嘉禾樊君等於郵筒再請義不可復辭是舉也作輿自劉按察用財出官帑任勞在樊君等而予也則相而成之後之君子儻以田多而惠微仰衆施約廣其計益崇於鼎來疇謂不從今日始耶維石乃鏤取徵者競據焉足以昭百禩與春秋弗磨

詞雖縛應不讓其腴也

心齋祠堂記

明凌 儒

孔孟之學堯舜禹湯文武相傳心法之精其興廢繫治道隆污至要矣漢唐影響支離不絕如綫宋室伊洛間師友淵源得窺堂奧明興經術論士本衰華盛是故繪章句妙悟難徇口耳實躋難去道遠矣卽學士大夫專門名家談之終身猶豪釐千里矧海濱無傳未嘗學問乃能超然默契確然允蹈直與孔孟曠千載而流光也嗚呼難哉吾鄉心齋王先生本農家子生長竈間年三十纔可識字一旦見論語孟子伏而讀之恍然曰是孔

孟之學耶何舊說與吾心相馳也時時出新得與塾師商之遂勇於荷擔慨然如孟軻氏願學孔子隨言隨悟隨悟隨躋由是義理日融踐履日篤乃游南贛謁陽明王公辯難所謂良知之學始不拜後執弟子禮因悟萬物一體仁人之心一夫弗向於善過在我也思以其道易之製輕車往京師輿風動四方啟其聾瞶道路觀者輒開誠誨之諄諄每日爲臣宜忠爲子宜孝如呼寐者使之醒聞者罔不泫然涕下旣去益去矜持就渾化洒然日新嘗自謂居仁三月不違庶幾顏子夫學難於妙悟實躋若先生蓋兼之矣海內士大夫慕先生日輻輳

造廬請焉先生各因問指點字字句句皆吐自胸中不事虛說一時神氣令人毛骨竦然去故卽新不遑焉其開發所得則虛往實歸譬之飲江河者人人充其量也語曰默而識之學而不厭誨人不倦先生有焉先生不喜文詞所爲樂學說大成歌與勉仁方具載語錄雖先生所心得不盡是要亦發之一人可垂之千古者予嘗評諸里中日好善人心之靈也古與今一也儒不學何能窺見心齋先生第自先生觀之其爲善也欲人爲善也斯一念如水之必寒火之必熱天下後世且無疑况里閭耶然則鄉先生歿而可祀於里者非先生而誰也當先生存時撫院梅谷劉公節按院疏山吳公悌交疏薦之朝部寢不報迨先生之歿學院午山馮公天馭象岡胡公植初泉吳公遵先後追崇敕祠其遣塲官行如有司禮然泰山之祀德意自學院楚侗耿公定向舉之旋議中罷夫用舍行藏惟命與時無論已獨一祀事且不終先生之不遇蓋如此嘗慨之世有徒以口耳章句獵一第博一官跡其平生在朝在鄉無毛髮豎立苟其人稍有許可或布衣子孫顯貴歿後皆得占籍鄉賢有司者不問賢不肖春秋俎豆罔敢墜失視先生越俗之識亞聖之資妙悟實躋有功孔孟奚啻什百與千萬也

廼懿典舉矣卒以忘考一說罷之何心哉萬厯四年憲副小蒲程公學博來兵備海上修舉廢墜推楚侗公雅意特建祠州之西而知州蕭景訓氏祇承惟謹凡兩月工竣扁其祠曰崇儒屬祀事於州大夫主時獻享屬祠於王氏子孫主時修葺於以風示鄉人撫臺王公宗沐自湖吳公桂芳相繼移文申重復蠲贖金置祭田使不費有司永無紛張蓋至是天乃定矣嗟乎豈人心之良終不可泯先生之學久而益信也歟邇來俗變風移海內多不論學而里閭中亦漸陵遲獨先生之子東厓襲能意氣不摧世其家學時聚同志講明祠中人心稍稍復振厲異時標轉轍換安知不有聞風興起大能闡明孔孟之學如先生者出乎是祠也固斯學之儻羊何可少也予故因小蒲公乞言垂石爲述先生宜祀不宜廢爲後來者告焉

胥道尊修城垣碑記

明凌儒

吳陵隸維揚爲劇郡東距百二十里帶海襟江島夷鹽徒飄忽出沒至險也據勝而止四方故有城隍廣厚不薄足當捍禦歲久守軍利所生荆杞可採而薪不從穉搔日聽其長且大故根連株蔓穿其壁孔多是以垣爲場已軍人販私鹽以昏宵出入而上下置鍾

案鍾字階疑有誤

之爲梯其爲鑿攀援處復不數是以關爲梟已守禦者
旣不禁又從而利之歲以爲常加以風雨浸淫故屢壞
屢修然其夫庸財用辦之官者什一割之民者什九是
故郡富人往往苦之名領帑金實役竣仍歸之帑蓋陽
與陰奪之矣監督省試復加橫索民之困憊與城俱壞
其怨讟亦與隍俱深哉非監司惻然父母撫之又赫然
神明臨之其能衛民而去所以害民稱兩利哉萬厯丙
戌歲夏秋霪雨浹旬郡垣牆睥睨周遭崩塌踰強半大
家者風聞懼役相扶攜挈舟而走當其時居者無衛行
者無歸舍啼望我胥公行春還奚啻嬰兒暫離襁褓呼
慈母意徬徨獨至公始得指揮王惟賢申地方擾狀切
責僉報大家森森數法語嚴若斧鉞然遠邇人心稍定
予聞之撫掌曰里中一役興於民爲害端於官爲利孔
孔不塞奪不饜端不去毒無窮是在上人耳語曰衆心
成城倘是役罷地方安卽無城民心附將不險而固矣
非便計耶公歸堅主前議不欲割民遂庭諭同知謝庭
菊從官估計始估得銀二千五百有奇公度虛冒數多
復令知州譚默再估得減原估之五比用訖得減再估
三之一公之料事蓋一一奇中矣夫役取之召募銀粟
取之公帑公庾六越月告成凡爲牆五百五十五丈爲

雉堞稱是爲睥睨八百六十有三爲樓一爲鋪十有九用故埴少新埴多埴以丹鉛粉素嶂若斷岸矗似長雲其巍然金湯之雄乎已念督察員役無繇橫索取帑羨勞之有差人人喜復省令署所事千戶責守軍斬艾其所謂根株及盛夏焦卷而斃一事而巨細注念至勤譚守甫至悉受公指與有勞焉士民咸舉手曰茂哉胥公海上鉅功也余謂保障功易衛民而去所以害民功難里多富人郡稱雄緩急可備周官論安富之政蓋燦然其王道也獨奈何長民者以民爲魚以役爲餌坐令家痛楚衙戶庭羸治兵使者急在勤五兵無暇民瘼卽有

之鮮有如痾瘵切身思以旦夕去者公且爲父母且爲神明無事子來畢茲重役不令闐闐間有一夫一錢擾計省富人金凡五千蓋官用一而足民用五焉而始足爲漁之者衆也公復取修船完賦胥衣諸額外差罷去大家官自爲辦上其義各御史臺俱報可隨著爲令昭示所轄郡邑永永行之凡利孔害端一切釐革此與王政安富並稱烈矣嗟夫恤民比仁飭吏比義兼之爲難有恤民之政而惠不孚誠未至也有飭吏之政而令不行才未稱也公重違細民不重違彊吏輒舉其弊政去之不謂之誠與材合可乎然其用惠沛然雨露也豈有

何乎沾沾市恩其用威轟然雷霆也又何嘗皦皦矜名致訕叢怨亾論公永操鑑識諸治水惠政如日如春卽是公蓋允乎稱立教首矣使繼今監司有司心公之心不毀公法卽垂之百世可也然則受成先哲以貽地方安其在後人哉鄉大夫士與耆老謀所以紀公功併以詔後予爲倡始復何惜不敏之言且庶幾異日者不得擅役以罷吾民民亦得指而訴之曰有石在則公之庇吳陵賜且不朽矣然往勒監司善狀類多有司循故事先期礮石徵文茲不煩紹介自交相勸而樂爲又曠典矣是故可以觀上可以觀下遂記之公名遇字際明號

頤川登嘉靖乙丑榜進士四川睢州人

姚代巡開海口碑記

明凌儒

國家東南歲運倚重漕河而廣陵迤北自邵伯迄寶應五湖之間俱係漕河要害大隄蜿蜒其上綿亘數百里隄外最下勢若建瓴而高寶興泰數十萬糧田與室廬咸在內行水支河無慮數十凡以串場達海道相絡也而丁溪白駒兩港其諸水從出之門哉是今之所謂海口也歲久日堙故道阨阻卽通如白駒屋屋一綫若丁溪陵阜矣是以沿隄減插與伏秋霑潦諸水橫灌州縣之間匯爲巨浸興泰尤甚蓋興泰地形窪下環視四方

若釜底然十二年來所謂良田一望沮洳春且不獲舉趾何望有秋游竇下而納溝中者所在呼父母垂涕泣未聞有司舉海口故告當津者夫自黃淮兩河衝決濁沙隨水由通濟入湖湖身墊高湖高水高非崇隄莫捍又非多建牐以減水則長隄孤懸顛風挾濤旁觸上騰隄必不固故印川潘公謂宜建牐壩殺水保隄然復慮分流太多興鹽難受欲勉建二座諄諄乎不必多建且再致意焉今則齒相比矣語具先後疏中皆可謂先見至海口宣洩已嘗因科臣李公題上便宜勘覆僦工旋議罷由此言之海口與減牐其重蓋相等也不然停蓄

中央不潰不止此海道舒公謂皆以高寶興泰爲壑讀其言可爲寒心哉夫上流不截下流宜通易知也全河旣障一支未完易辨也乃或不然何以故時固有待焉耳公攬轡至泰時嵯院任公並至語及此惻然傷之遂題尺牘問疏通計此其軫念民艱必一朝去已斯稱快哉旣以民竈詢謀未同乃會撫院凌公及嵯院任公徧搜沿場諸河應濬應隄苟可減水先圖一筴而兩海口則俟利便再請然苦水之民蒿目陳乞以望水利者未嘗一日不在公公蒿目陳乞欲垂永利者未嘗一日不在民也乃六支河一東隄告成事矣卽畝畝盈溢稍稍

公受其十三而停畜中央者尙宛如昨公於是懼然謀諸海道曰理身者鬯其腸胃能不利其咽喉居室者繕其寢堂能無闢其門戶導黃淮旁入之水而海口不開則環隄三十六牖之所分流於下滔滔然不舍晝夜者安受耶安歸耶矧各地方伏秋霖潦更無算也古今稱治水者莫如禹禹嘗十有三年於外蹈橇乘櫂排中國之水使有所歸則亦曰注江注海孟軻氏之讚禹也目案目字疑以四海爲壑如公所謂以高寶興泰爲壑非曰字之譌

計矣復與繼至撫院傅公麟院孫公會題畢前議民竈始異者關之終同者採之一疏累千百言罔非碩畫疏上報可公奉命方鳩工庀事忽以丁外艱去海道公受公指開兩海口濬工支河建牖置椿以蓄以洩一如議越四月工竣以成功告之天子因語泰守李興化尹凌徵予言言爲公勒石予何能言哉嘗取公疏伏而讀之仰見經世鴻猷與折衷至論矣大都破鹹水傷禾淡水傷鹽之說破海潮倒灌運河銷涸之說破鹽徒興販與倭夷出沒之說無非謂兩海口之必當開萬有所利一無所妨蓋確然不易者至疏終謂若不及時亟舉恐民竈昏墊之苦終無蘇息之期卽歲報災傷日望蠲賑非人臣體國爲民之義斯語也何但愉快人心真可以動

天地泣鬼神矣夫公以深識遠覽直吐胸中計無反顧且以直指使者觸暑折節馳驅沙塵數百里中躬自辨地形詢方言以成其獨斷其勤勞豈在禹下哉今觀泰興及諸場沮洳成田壅塞成河耕者煎者商者旅者懽然就業罔不稱利便入耳口碑洋洋乎東海上矣公殆庶幾哉體國爲民之義殫乎予溺中人也嘗曰人臣建衆與之功易而獨斷者難成未壞之功易而已壞者難豎勤始之功易而怠終者難是役也當議論未定之時出勘覆停止之後舉於大工竣事旣久公不謂難竟成之易豈不偉然一大丈夫事哉古稱三不朽者曰立德

立功立言公以執咎盈庭慨然發論皆根極理要切中肯綮足以雪往詔來將使百世而下循其言可以祛惑足稱立言已以公復海上故道助大工益宏多若治室合龍口通溝渠然後堂構計畢將使百世而下四郡邑數十萬生靈免爲魚足稱立功已以公不激不亢委曲調停本之一誠要期于必濟將使百世而下被豐澤揚仁風足稱立德已兼茲三者以當名世是宜托之貞珉章示庶烈用垂永久予不佞備述始末復海道舒公之請爲之記公姓姚名士觀登進士第巡按江北兼督學廣信之貴溪人

續科第題名記

明 知州 黎堯勳

惟州學舊有科第題名碑記景泰初鹽法侍御大庾蔣公實始創立所刻名氏始洪武甲子止宏治丙辰二科所得士爾宏治甲子而後至于今四十年矣二科得士凡十有八人未之刻者以景泰碑刻無餘地而有司者未之別立石也嘉靖辛丑堯勳自臯邑來牧此州仰嘆邦域人文之盛考觀廟祀禮器之全因慨是碑之闕將舉之未遑也乃壬寅春侍御南昌胡公植亦以鹽法按部至泰視學勸講之餘深用以是碑爲嘆於是移文州司買石命工刻闕者名氏寧不以美哉此邦以數十年靈淑之氣鍾爲十有八君子之材亦既有樹德策勳聞於當世者矣奈何令其泯泯惟公巡歷淮海於郡縣學校靡不加振作焉是舉也適與蔣公政輝映乎百年之間惟州之多士相聚聳觀不啻興起其思齊景仰彙征利用之心而已又尙論古之人孔孟之學伊周之勳斯其鳴當年傳後世其在商周廟器所勒太常所書或已湮滅無聞逮于唐宋士或習於文辭而去道遠或近道矣而不究於事功則吾人於名實宜何擇焉斯其傳者遠也不然倏而興倏而滅尋丈之石果吾人不朽地邪苟辨於茲二公立石之意思過半矣

胡安定先生祠堂記

明 尚書 湛若水 增城人

論人者以其異域善孰與其鄉族善曰善鄉鄉爲近示人者以其言善孰與以像善曰善像像爲切近則人習服切則人易知人習服故易從人易知故有親有親則感易從則化是故異域使人敬鄉族使人信言則入人耳像則入人心故先王之法鄉大夫令而司徒之教行象魏立而治法昭今夫號於人曰必若而鄉某君子乎必若而鄉某義士乎則聞者莫不悅相語曰彼固非遠引乃云吾鄉某也某也誠義士君子也斯不亦以鄉而近習服而易從乎今夫斷木而像之折椽而屋之肅乎

若有著乎其風神儼乎若有覓乎其容聲則過者莫不敬畏相語曰彼乃吾鄉之義士也君子也吾等可自棄爲不義歟爲小人歟斯不亦以像而切易知而親乎南昌王君公弼以進士來守泰州召士氓咸造於庭曰吾子茲土實兼教養凡爾士庶盍同於予善爾弗我徵盍稽於爾鄉之先哲式追於前文人若爾安定胡先生者爾豈不知而慕之乎哉與孫明復石守道藏修泰山其義行篤於躬化於家孚於而鄉教授於蘇湖振歷代詞華之沈迷復往古敦樸之實行師教升於國學聲實達於朝廷式法播於天下一時多士靡然從之爲之一變

不問可知其爲安定門人若是者爾之士庶其亦有意乎有則吾爲爾祠而新之以爲爾仰止之地不亦可乎欣然曰諾乃白於撫按卜城東南之隙地以州之贖金撤官之間屋而顧鉞之義助半焉凡三月而落成爲堂者三楹外爲大門內爲寢室視堂之數弗有殺焉前臨大池後館諸生旁亭顏學亭周之池水使士講聖賢之學於其間選胡氏子弟二人寄學習禮蠲官田五十畝供其祀事而復其徭焉是故東南法長養也前周池昭澄心也後學館示步武也亭顏學示的也是故魏焉肅焉示像也於是士皆懽悅過祠者皆相語曰吾等兵防

水利農算之學有若安定治事齋之教乎五經異論文藝理勝之學有若安定馴馴雅飭之化乎於是王君聞之曰安定之學豈若是已乎乃遣其門弟子林春王棟之京問甘泉子曰泉子曰噫善如王子之問也善如王子之問也安定之學之教人失其真傳也而貳於孔子久矣豈直今也哉夫孔門之教同於求仁仁人心也天理也四科之列惟顏閔雍耕諸人得其宗餘則因材成就者耳而謂有四焉豈聖人無類之教哉若安定先生當聲賦浮華之弊已極毅然而起以變化士習爲己任以開濂洛之傳必其精神心術之徵有不言而信者行

乎其間觀其顏學之試道德仁義之教有足徵者至於
經義治事之科條乃其因材而成者耳以爲先生之道
盡在是矣豈不惑哉夫聖人之學心學也故經義所以
明其心也治事所以明其心之用以達諸事者也體用
一原也而可以貳乎哉此或先生立教之本意而人失
其傳矣若非人失其傳則先生之學之教荒矣予幸得
於百世之下故爲其鄉人士推言之庶幾不終貳於先
生之教焉王君曰命之矣幸爲記諸石

安定胡公書院碑記

明 崔 桐 海門人

秦州爲故海陵境城西有崛壤曰泰山桐童時嘗執經
西游聞從長者後一登眺焉山有神宇謁者必肅拜祝
禱相心醜之獨不爲禮計別茲山餘四十年矣聞前御
史雷君應龍撤其神而虛之嗣是崇正者置書院並主
范文正胡安定二公於其中傍列諸生舍豈非以安定
爲海陵產實在昔儒宗文正嘗監西谿有捍海功矣乎
桐心賢若舉而未遂一瞻拜也嘉靖戊戌冬十一月舜
原楊君瞻以御史按莅海陵首詢安定公遺跡得茲山
爲講學故處爰立石以識因晉謁二公焉旣而嘆曰禮
貴專專斯頌頌斯感禮厭瀆瀆斯傷傷斯射鄉賢名宦
崇當以族錯列互舉非所以尊師重道右能象功也爰

徽州志 卷之二十一
徽有司奉文正公主奠置名宦祠廼專俎豆安定公焉
因徵言於桐以碑其祠桐也鄙無能爲役竊憶昔童時
志乃爲重有感曰上古無傳人中古無傳事近古無傳
心地渺風微遂成飄響魄長雋員泯焉莫聞者衆矣是
故耳感者淺而疑目感者眞而得鄉里六賢悉諸遺乘
誦諸黃髮其儀形警欬宛然百世之下者不減於親炙
也可以列視而莫之崇乎列視而莫之崇是雖生茲土
者亦莫知吾鄉爲孔之魯孟之鄒也何所觀法乎安定
先生以經術行義名天下景祐初受文正公之知薦定
黜樂白衣殿對天子賢之教授吳中諸生愛之如其父

兄講太學天下宗師之至牆舍不能容是又非丁度之
所能阻撓也且今天下後世可忘所宗乎是故君子之
於有道者讀其書則思見其人入其境則思及其門循
其跡則思久其傳舜原君之愛道殆不容無是舉也舜
原冀人也而追慕安定若此鄉里之彥瞻依左右者爲
心當何如耶書院前一堂故題曰經義治事後亭曰後
樂今扁其首曰安定書院祠曰安定胡先生祠亭曰觀
海是役也翼其成者州守朱君簞倅朱君懷幹林君庭
樟徐君份以徵言勤者海門令孟君梅咸有得於獎士
類以興起斯文桐也幸樂諸公之志有成故不辭而述

綜其梗槩云

重修泰山書院記

明 陳應芳

大江以北維揚自通州狼山而西故無山泰之有泰山非石也起自岳武穆王爲通泰鎮撫使兼知泰州於城西門中培土爲高臺以望金人軍後相傳遂名泰山云前乎此者郡先賢宋胡安定先生布衣時曾讀書齊魯泰山下後人卽借此建泰山書院並祀安定先生歷數百年來興廢不一而室遂傾圮中年幾化爲元君觀未成而黃州楚侗耿先生督學來郡諸生講學其上欲以安定與王心齋兩先生并祀議尋不果後有貧生者移

家就此居因毀傷其薪木幾鞠爲茂草而泰山書院僅其名爾頃歲丙午浙武林雲臺張公奉天子命來備兵察吏安民百廢俱舉期年而化洽人和偶登泰山慨然曰是崇德報功盛地積敗至此忍諸爲捐贖緩若干金修廢舉墜而新之山之巔三楹爲室奉武穆王遺像正位乎其上以石刊諸奸秦檜輩像羅跪於其前王平日詩聯有潭水寒生月松風夜帶秋之句并刻而懸於室之左右讀者凜凜有生氣由山數十武而下山以前舊有堂三楹極偉壯祀安定先生位於中東西各有堂西仍舊貫而東則今所新構也題曰會心堂可備齋宿前

東西又各有室中爲甬道門南向題曰仰止前有嘉樹
一二蓋數百年物蔭可數畝許樹之中爲構閒雅堂三楹
甬道鑿池樹屏而東西出大門勒坊曰崇德報功蓋自
丙午訖戊申三載報成事數百年之大觀渙乎其有文
章矣嗟夫道有體用安定先生經義治事蘇湖之學具
有根本人爲之歌曰吳興先生富道德誥誥弟子皆賢
才以彼其德天下之達德也武穆報國精忠自信君臣
大倫根於天性當兀木南下至以五百騎破其衆十萬
中興可計口而待兀木方欲棄汴去避其鋒何物書生
迺叩馬而留謂自古未有權臣在內而大將能立功於

外者天不祚宋不幸而俾書生言中一日十二金牌趣
令班師莫須有之獄金酋聞之酌酒相賀千載而下令
人皆裂髮指有痛恨焉以彼其忠天下之達忠也兩先
生一崛起海陵文爲百代儒宗一鎮撫海陵武爲千載
忠將泰山書院並祀所從來矣雲臺公文武爲憲今特
爲修廢舉墜煥然一新莫爲之前有美弗彰莫爲之後
雖盛弗傳道必待人而行興廢之故豈偶然也乎哉所
關世教不細都人士覩廟貌而瞻仰其立德立功所爲
不朽有不奮然而興起者非夫也公所垂澤遠矣公又
嘗謂余曰州近年科第寥寥士未知所向方吾將於茲

山建號房數十楹選雋秀士而倡之學課其文異日或
其望有興也乎余曰幸甚無何公以資望晉閩藩叅知
政事行吾道南矣公之意猶若有眷於茲未已也余故
述以告多人士使知所興起不負公所屬望且並以告
後之秉憲茲土將庶幾有成公之志者公諱鳴鸚雲臺
其別號也已丑進士澗之錢塘縣人

案碑刻現
存書院

修學濬河記

明
陳應芳

今天下郡邑之有學也三代之遺意也至我朝黜百家
尊孔子建大成殿正祀典以堂明倫以閣尊經以啟聖
祠追崇所生外有櫺星門前有泮池規制視前代爲大
備極盛顧城中建置民居稠密未必盡皆幽靜宏雅之
勝也就地爲池引水其中未必通江淮河泗之流也惟
吾泰海陵郡學建在城之東方遠塵囂而居住勝泮池
水則由城內外河直達江淮往往相傳淮水入泮是年
必發巍科若儲文懿公解會兩元林東城先生大魁天
下具見徵驗若符非虛語也歷科至嘉靖以還代不乏
人猗與盛哉邇者城以內河道日就堙塞泮水爲之不
流而宮墻亦多傾圯久不修葺者若而年科第亦遂寥
寥不振萬厯甲戌而後垂三十載無甲榜矣鄉試自丙
子以下七科僅僅得三人父老私相指數謂嘉靖前科

名之盛惟泰爲最蓋維揚九州邑無敢望焉隆慶後科名之衰亦惟泰爲甚顧反出九州邑下何也豈天運之有盛衰抑人事之有得失不然者如堪輿家所畫地理風水之說焉可誣也羣情日盼盼然引領而望曰安得當路者加意人文爲一振興也乎而會今大中丞李公方自天子所拜命來巡撫時河漕合而一漕撫分而二業有成議假節鉞開府泰州蓋己亥六月事也撫臨之日揆文奮武飭吏安民百廢具興萬邦爲憲諸士乃相率以修學濬河請公毅然首肯發贖鍰若干金卽日選擇而使爲分任責成起辛丑三月越仲秋竣事官墻以內頽者舉廢者興若殿若廡若堂若閣若祠靡不煥然改觀若新矣而官墻以外由泮池達河渠塞者通狹者闢環城而水者靡不沛然通流若血脉之周浹於一身而罔或壅淤底滯也主者以成事告多士相與歡忻鼓舞詣中丞公謝余待罪輦轂下以職事忤異志者相與交訟於上連章求去不蒙俞允不得已借給假棄官歸多士迎余請爲記余聞而喜可知也樂觀厥成爲多士賀方思操筆而會直指使建議以合漕撫請若舊上報可於是中丞公當移節入淮行有日矣余爲起而嘆曰事不偶然時如有待是役也前乎此者令漕撫而未有

分也諸士安所得徼幸以遇中丞公來後乎此者令漕
撫而早復合也中丞公又安所得久留以待諸士乃今
事未舉而公適來事既成而公始去豈天將開吾郡之
文運特假中丞公以來去若斯之奇也耶且中丞公非
常人也弱冠登朝卽用諫顯敷歷中外雅負鉅望建節
撫淮千載一時豈可謂非天平繼自今諸士所爲應運
而興者復與嘉靖前比隆若持左券可矣抑予更有說
焉廣勵學宮修舉廢墜以振起一方之文教是當路者
之所爲修所爲濬也大有造于諸士也飭躬勵行求志
達道以無負爲一郡之人物則諸士者所爲自修所爲

自濬也所以報德於當路也諸士勉矣異日者藉科第
起家出爲名臣使人謂中丞公修學濬河爲一方開文
運爲朝廷樹士爲天下得人其尙有名實榮施也哉余
不佞明諸士所以德中丞公之報併推中丞公所以厚
諸士之望以俟諸來者不敢以不文辭中丞公諱三才
京衛籍陝之臨潼人甲戌進士維時同事者監司則飭
兵使者楊公洵山東之濟寧人壬辰進士署州事始終
董是役者則郡丞李公仙品關中之高陵人乙未進士
得備書以鳴一時之盛

海安鎮碧霞宮

明

余有丁籍貫未詳

秦之屬鎮名海安者東北半里許有鳳山焉山肖鳳故鳳名山山增哉山之北溪環之溪之左橋引之橋而入入而遂則蒼崖綠樹石洞輒墮穿貫幽空一睇一色矣而巖於山者乃層殿躋霄朱丹灼錦亭楹寢廡品式燦備云碧霞行宮焉談山靈矣山增哉蓋先時州守鳳橋馮君心菴趙君後先臨眺賞勝嗟頽乘歲饒以舉贏緣民心而壯飾二君於此山嘗增之矣以故鎮之旱澇瘡疫望宮而禱禱輒應卽數十百里外聞應而禱者禱復應於是禱者轉多春和景明水陸四集蒸香鼎盈馥馥團結山眉出雲碧采罩宮山之靈釀神之應神應而山靈加顯山增哉而壽哉昔蘭亭之增而壽也以右軍記岳陽之增而壽也以仲淹記向微王范則此亭樓者平壤芳草等矣然則鳳山之增也恃碧霞應焉壽哉余從中秘來涉泰華而東馳白下以至止日將覽名勝豁大觀也而庠生屈鴻漸徐鏞陸彬陸文煥偕義民薛闔等以鳳山之記謁余塗夫生豈邀福二氏者哉虞往迹放失無以詔來或者欲增鳳山之一簣與蘭亭岳陽肩壽耳是爲記

禁葦馬蠹碑文

國朝 王孫騾

走遞之設各邑皆有之而走遞之害未有甚於吾邑者

吾邑僻在海隅舊爲撫軍駐節地設馬五十有三號歲用銀共一千九百八兩芻秣出其中顧牧出其中槽轡醫療厰柵膏火買補亦出其中里民歛金以服其事州牧督察而驅遣之馳檄往來送迎絡繹裕如也乃法久弊生市猾胡玉江龍王祚等二十餘家規爲利藪網羅布置谿壑日深表裏奸胥憑依城社分肥勒索窟宅貪贓不啻水深火熱矣每領牧一馬必於常費外苛索百二十餘金會計通都歲糜五千六百有奇然且橫取誅求私立名字曰馬草銀每里民輪值現年先馬草後國課微不如意則縣馬鞭於其門婦子無敢出入炊煮輒鬻屋以餒之否則繫人於馬矢之中惡氣薰蒸蚊蚋嗜膚盡日饑餒往往賣兒女以自救又或縱羣馬躪人田園禾麻黍稷瓜瓠葱韭須臾立盡嗟乎里民膏血幾何堪此無窮咀嚼乎二十年來撫軍已微逃騎大減而蠹焰未熄也我

天子御極之八載里民王張陳等上卯輪值草銀不以時至郡蠹忿甚大肆咆哮時州牧以他事去官里中人又或爲羣蠹左袒遂盡匿底馬鬻歸私橐相率抱旬日官書填委於里民之家而詬其稽悞里民倉卒計無所出則棄家走愬於同知陳公陳公曰吾忿此事久矣民事卽

我事也奮身借諸里民上請於賢郡侯凌川趙公公毅
然任其事情弊纖悉洞如觀火傳集各鋪遞驛卒分路
發行而旬日之官書無片紙留矣且諭州同日秦州無
驛安得有馬自今以後馬之存者歸於官文移之上下
官自任之不得擾民向之加派於民者悉與豁除民慶
更生公力至勇公德至厚吾邑可一日忘乎後緣匿馬
故里民控羣蠹於上臺上臺之齒切髮拮猶趙公也聽
斷至再賊證顯然羣蠹引服問擬贖遣一一如律卷案
存州司處霹靂手不且日星光乎里民又恐羣蠹之灰
燃也請趙公爲善後之計趙公轉請於上臺上臺許勒
石以記其事垂示久遠里民以碑文屬余余樂於紀趙
公之仁勇因以見陳公之率民以赴上其功亦不可泯
也遂徵實爲文志功德於不朽且使永草之弊無敢蘖
芽其間後之覽者孰不懷德而畏威乎哉

秦州新修儒學記

國朝 官夢仁

從來人材之盛關乎學校而形勝實司之吾秦稱淮南
鉅州州有學蓋自唐置吳州始宋慶厯紹興中屢移建
於城內東南更於學東南城上建海陽樓左右兩麗誰
屹若三峯鼎峙精形家說者莫不以異爲天地文章之
府虎踞龍蟠而樓又學之文峯得其地地靈人傑應若

桴鼓由宋元明迄我

朝歷考志乘所載其生斯土官斯土者高科膺仕代不乏
顯庸之人而理學經濟節義文章率多後先輝映談者
艷之蒸蒸乎稱極盛矣中間歲月既多成毀不一識者
深以爲慮面人材視昔亦少衰先大夫纂修泰志時所
以有形勝盛衰關係秩官人物記也嗣余校士山左下
車卽葺學宮復書院製祭器設樂舞生一時煥然維新
念梓桑廢墜先人有心修舉而未遑屈指如城內之三
市河玉帶河及海陽樓形勝皆於學宮爲表裏而最急
者莫如樓樓成則學宮之形勝得不特可以挽回氣機

將學宮亦必有鼎新之候而諸形勝皆可次第以望有
成因捐俸寓書於州牧施潯江公及一二同志親友起
數十百年巨廢甫將落成潯江公旋膺特擢行而士
氣亦稍稍振焉議者僉曰此一驗矣其如聖人之宮翦
焉弗治何遲之未久學博汪君來不覺奮髯抵几慨然
太息曰每見大夫之家修治其俎豆者其裔必昌童蒙
之子洒掃其家塾者其人必慧十夫之聚農功旣畢歲
時伏臘必葺其所常祀况於國家立學設官崇教育
才之地吾實當之而顧任其風雨不除鞠爲茂草釋奠
講禮登降無從會二氏紺宇琳宮之不若何官之爲也

會柯君以三輔治行擢牧吾州謁廟之次不介而同遂各捐俸爲先聲而登高一呼州人士不少好義者得緡錢若干鳩匠度材諸以楹計凡爲正殿者九爲東西廡者二十有八爲戟門者五爲名宦鄉賢祠者各三爲櫺星門者三爲斯文在茲坊者一爲西翼門躍龍門者各三爲明倫堂者五爲東西齋房者十有八以及垣墉唐道莫不敞者撤撓者易傾者築隘者闢穢者通華檐廣衍翼翼言言始事於康熙四十年某月日竣工於康熙四十年某月日爰立貞珉於學屬余序而記之余謂天下無不可興之役無不可就之功特不得實心任事之人則勞而寡效前乎此者未嘗不有事於斯往往傳舍其官秦越其事一委之吏胥之手上下塗飾旋葺旋圯今專遴弟子員之幹力而有行者量能分任而汪君潔清自好莊莅公所不少間每募金必令署名籍記隨給工價絕留滯杜侵漁出入瑣褻筦鑰互掌有一不至汪君不啟視也甚至竹頭木屑亦儲待以待公用無纖毫被冒弊以故費較減於前而告成則倍速而且堅焉時當癸未南宮之捷吾州列正魁者三人他邑莫能及卽此觀之得不謂形勝之說信而可徵乎且學故有田幾爲覬覦者所奪汪君出金力爭之而柯君亦樂與爲恢

復自今以往諸弟子以時肄業其中出田所耕獲之餘
購書籍贍餼廩賑貧乏以造就多士盛更有踰於今日
佇見兩君子令聞廣譽一歲九遷

先師實式相之應形勝而起又寧使潯江公獨專美於前哉
而凡諸形勝之宜次第修舉者余更不無厚望焉

重修泰州城垣碑記

國朝 程盛修

記曰城郭溝池以爲固則垣墉之設於以藉捍衛而資
保障所關綦重矣吳陵襟帶江淮爲瀕海要區向有專
城歲久而圯廼者

聖天子軫念閭閻疊頒

諭旨俾直省州縣將城之增修改建者勘佑確實次第鳩工發
帑金數百萬不括民間一錢

睿慮周詳戒其虛糜防其浮冒所以規遠大圖鞏固者無所不
至制府高公大中丞明公檄行維謹維時王公鎬司牧
吾州仰承

德意殫智竭聰躬親畚揭又得淮揚道巴公靈阿楊州府楊公
魁督辦嚴明指示精覈分修鹽運判張君景宗興化縣
林君照水利同知任君寶糧河通判孫君步雲泰州州
判王君模甘泉縣龍君燦岷協力同心勤勞懋著子來
踴躍樂事赴功肇乾隆三十二年九月訖乾隆三十三年

年計經費九萬八千七百六十三兩有奇按舊制十二里今量長二千一百四十八丈月牙城一百八十一丈裏外城門八座耳門一座城樓四座南北水關二座其海寧阜通迎恩迎淮諸額襲而不更廣袤綿亘跨越前模矣嗟乎城自南唐建置歷宋元明六七百年其間或遭兵燹或罹水患隨興隨廢以迄於今我

國家休養生息百有餘年桴鼓不驚荏苒屏蹟兆民安堵樂在人和抑且承流宣化拊循而噢咻之衆志成城言言屹屹不煩干櫓設險無形况復

恩綸普徧削屢維新磐石苞桑萬世永賴則自茲以往父老子

弟含哺鼓腹於元天化日中者其無忘

朝廷德澤與司牧公勤恤民隱之意於靡窮也查催工料則州同王君坤元吏目劉君若滂巡檢葉君元勳蕭君海清葛君琪牘官高君耀也例得備書

賜書堂記

國朝 馬榮祖 江都人

海陵慎齋田君以康熙乙酉獻詩

行在蒙

賜御書孝經辛卯舉順天鄉試壬辰 賜同進士出身任惠安令歸而顏其所居之堂曰賜書誌遇也國家設科取士之式一準前明

聖祖知時義不足以概出羣之雄也已未歲特設博學鴻詞科

中選者五十人乙酉

南巡召工詩文書法者試之拔七十餘人分隸內廷書局書成
次第叙用蓋

天子雅意右文宏獎士類一舉再舉越成例以待茂才當是時
去己未才二十六年而後先所得隱鱗戢翼之彥乃至
百二十人何其衆也方

御舟之至尹山橋也夾岸獻詩賦者紛錯如織而君獨邀 眷
注隸書局七年不敢以冷曹自暇逸同時 賜進士者
十人其八人入直 禁廷君得外職而惠安當山海要
衝遙對臺灣奸民往往剽掠急則據險自保或風檣入

大洋騰陸日數千里去來飄忽如激電莫可端倪君徐
以智給其豪竿其首于市餘黨股栗搖手相戒一步不
敢過惠安經不云乎莅官不敬非忤也君前後勤勞王
事舉所 賜書力見於施行可謂敬矣然則堂以
賜書重而君又自有所以重 賜書者殆不徒榮君之遇而已
也

松林菴古柏記

國朝 寶山
府教授 李保泰 人

余以試事往來海陵者二十餘年久或匝月少亦必旬
日留以暇信步游訪自光孝禪院外率積敗荒墜不及
叩關一問也去夏有爲余言學宮右數百武園田中破

屋四圍庭一古柏甚異高不出檐行人雖日過垣外不
之見余遂往觀之根圍三尺許兩枝交絡穿穴出土後
懸幹無皮斜出西南長四五尺卽逆折東北行壓其上
層層回曲向上作偃蓋又一枝斜出西北稍高折而東
亦向上偃蓋凝立望之一片翠色交柯雜沓宛轉拳攬
如蛇初脫如蚓方結無可擬狀此在崇岩峭壁怒兀于
山石犖确者更千百年容間有之非平疇所易得數年
前俗僧懼枝侵簷斧去其一然不損其離奇感縮之勢
寺僧才二老且貧言昔有人寓此夜竊其下琥珀去諦
視舊額名松林菴江北人松柏不分抑別有松而今已
之耶且言儲文懿公會於此讀書其後宮定山中丞亦
嘗假館何適得兩會元以發其秀耶余寓城隍廟廟祝
陸某年五十餘矣爲言少時見其地屋宇毗接菴亦修
整今相繼淪敗彌望皆菜畦麥塍今春余同人屢過屐
齒浸多會余鄉侯君勗齋司教來此學舍恰相望屬其
與鄉之士君子量加封植並菴稍修葺之足佐此邦之
故實而余不失之交臂予之幸乎柏之幸乎抑予與柏
兩無與乎嘉慶庚午四月二十日齋生居士記


重修戟門兩齋房碑記



國朝 楊 璽
知州


秦邑學宮傾圮有年乾隆壬子前州牧李英估工計程

分截段落詳聽民捐修邑之紳士好義樂輸前後堂殿
煥然一新然營葺八載修整者半荒蕪者半戟門兩齋
依然風雨交摧榱櫨日朽葢工段繁巨未可一蹴就也
已未春余來守斯州稽考前功益圖後舉因集紳士復
議捐修聞有國學生陳文炯自修殿前石臺不告之有
司不登之捐簿此不務虛名而崇實德者余慕之欲一
見炯堅以疾辭噫是殆有非公不至古澹臺滅明之遺
風歟逾數月余抵公所時而炯果欣然來又慨然願捐
銀三千金修戟門五間東西齋房十二間余久其請嘉
其志而益重其人炯於是及時庀材鳩工躬自經畫日
竭勞瘁奈工屨中道而病已沉疴恐夙志不終乃出其
蓄貲付程章儲士秀仲振履等以蕝其事而炯遂溘然
逝矣嗟乎士或慷慨一旦及軀命莫保而不踐其前言
亦可爲人所諒矣炯當彌留臥榻猶傾囊蓄以畢急公
之願以視世之終始異轍者相去爲何如也今者戟門
蔚若星雲兩齋燦如纈藻其於崇

聖人而進士子者大有功矣炯誠身死猶生哉稽肇始在嘉
慶四年九月初四日告成五年十一月二十日爰述其
顛末用誌不朽且爲好義者勸







70006304

